



Broj: 01-28-143-1/19

Sarajevo, 30. 09. 2019. godine

Na osnovu zaključka br. 01-28-143/19 od 25.09.2019. godine, a u skladu sa odredbama iz člana 164. stav (5) i (7) Zakona o visokom obrazovanju Kantona Sarajevo (Službene novine KS br. 33/17), člana 165. Statuta Univerzitetu u Sarajevu, u skladu sa članom 17. Pravila studiranja za prvi, drugi i integrisani studij, s ciljem osiguranja jednoobraznosti postupanja svih organizacionih jedinica na Univerzitetu u Sarajevu, donosim sljedeću:

INSTRUKCIJU O POSTUPKU PROMJENE STATUSA STUDENTA

1. Student u statusu redovnog samofinansirajućeg studenta, a koji položi sve ispite iz određene godine, te koji ostvari prosječnu ocjenu najmanje osam (8,00), a koji u okviru istog ciklusa studija nije obnovio niti jednu godinu, ima mogućnost dobivanja javnog finansiranog mjesta za nastavak studija na tom ciklusu. Studenti koji su ponovili bilo koju godinu u okviru ciklusa studija, ne mogu ostvariti pravo na promjenu statusa po istom osnovu.
2. Organizaciona jedinica obavezna je na kraju svake studijske godine utvrditi broj studenata koji su izgubili status redovnog studenta, a koji se finansira sredstvima Osnivača, te na osnovu tog broja može omogućiti isti broj promjena statusa studenata koji ispunjavaju uvjete utvrđene u tački 1. ove Instrukcije, uz obavezu osiguranja rangiranja isključivo na osnovu prosjeka ocjena ostvarenog u prethodnoj studijskoj godini.
3. U slučaju kada se na rang listi studenata iz prethodne tačke ove Instrukcije nađu dva ili više studenata sa identičnom prosječnom ocjenom iskazanom na dvije decimale (8,00 ili više) ostvarenoj u prethodnoj studijskoj godini, a broj studenata koji su izgubili status redovnog studenta koji se javno finansiraju je manji od tog broja, obaveza organizacione jedinice je da se svim studentima koji imaju isti prosjek omogući prelazak u status redovnog studenta kako ne bi došlo do diskriminiranja studenata.
4. Postupak ostvarivanja prava iz tačke 1. ove Instrukcije pokreće se, isključivo, po zahtjevu studenata i isti se podnosi Vijeću organizacione jedinice, uz obavezu donošenja odluke po svakom zahtjevu pojedinačno. Odluka se donosi za jednu akademsku godinu.
5. O žalbi na odluku Vijeća organizacione jedinice odlučuje Senat Univerziteta u Sarajevu.
6. Uvažavajući činjenicu da su Univerzitet i njegove organizacione jedinice prešli na poslovanje putem Jedinственог računa Trezora Budžeta Kantona Sarajevo, kao budžetski korisnik imaju dužnost i obavezu pridržavati se odrednica Budžeta Kantona Sarajevo i Zakona o izvršenju budžeta Kantona Sarajevo, organizacione jedinice su dužne da obezbijede reciprocitet u

provođenju ove Instrukcije pod uslovom i na način da se ne ugrozi budžet organizacione jedinice, odnosno planirano ostvarivanje budžetskih prihoda iz upisnina I i II ciklusa studija i integrisanog studija Univerziteta u Sarajevu.

REKTOR

Prof. dr. Rifat Škrijelj



Dostaviti:

- Organizacionim jedinicama UNSA
- Službi za nastavu
- Službi za računovodstvo i finansije
- Službi za pravne i opće poslove
- U dokumentaciju Senata
- Arhivi

Škrijelj

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)



Sarajevo, 30. 09. 2019. g.
Broj: 0105- 143-2/19

INTERNO

Generalni sekretar Univerziteta u Sarajevu, dr. sci. Suvad Konaković, na osnovu člana 126. stav (2) Zakona o visokom obrazovanju („Službene novine Kantona Sarajevo“ br. 33/17) o prijedlogu instrukcije o promjeni statusa studenta, a po zaključku Senata sa 34.redovne sjednice održane 25.09.2019. godine, rektoru Univerziteta u Sarajevu, dostavlja slijedeće stručno mišljenje

Prijedlog instrukcije NIJE u suprotnosti sa Zakonom, Statutom, Pravilima studiranja za I, II i integrisani studij Univerziteta u Sarajevu

O B R A Z L O Ž E N J E

Senat Univerziteta u Sarajevu je nadležan da postupa po prijedlozima organizacionih jedinica na osnovu člana 130. stav (2) alineja h) Zakona o visokom obrazovanju i člana 59. Statuta Univerziteta u Sarajevu.

Nakon uvida u prijedlog Instrukcije o postupku promjene statusa studenta, koja je sačinjena po Zaključku Senata Univerziteta u Sarajevu kojim je zatraženo da se u najkraćem roku izradi instrukcija o jednoobraznom postupanju svih organizacionih jedinica u vezi sa oslobađanjem od plaćanja školarine studenata koji su tokom protekle studijske godine ostvarili najnižu prosječnu ocjenu 8,00 (osam), vodeći računa o planiranju budžeta Univerziteta u Sarajevu, utvrđujem da su u instrukciji ispoštovane odredbe člana 164. stav (5) i (7) Zakona o visokom obrazovanju Kantona Sarajevo (Službene novine KS br. 33/17), člana 165. Statuta Univerziteteta u Sarajevu, te člana 17. Pravila studiranja za prvi, drugi i integrisani studij na Univerzitetu u Sarajevu, te dostavljam stručno mišljenje kako je navedeno u izreci-dispozitivu mišljenja.



GENERALNI SEKRETAR
Dr. sci. Suvad Konaković

Dostaviti:
-naslovu,
-a/a.